

# Etu Motuk







1



Ha'u hano-in-hetan bainhira ha'u  
sei ki'ik, kalan ida ha'u-nia Amá fila  
husi to'os. Nia kole loos maibé  
tenke te'in hahán kalan nian ba ha'u  
no ha'u-nia Apá. Tanba kolen  
demais, nia te'in etu to'o sai motuk  
tiha no han la gostu ona.



Ha'u hanoin-hetan haree  
ha'u-nia Apá hirus tanba la  
haksolok ho etu motuk ne'e.  
Nia la rekoñese katak ha'u-nia amá  
serbisu maka'as no ko'alia hela  
de'it kona-ba etu motuk ne'e.





Ha'u nunka haluha ha'u-nia  
Amá nia resposta. Nia dehan  
ho kalma loos, "Ó ko'alia loos.  
Ha'u halo etu motuk duni. Ha'u  
esforsu duni, maibé rezultadu  
etu motuk.



“Dalaruma ha’u mai husi serbisu kole tebes entaun ha’u presiza ó-nia tulun. Doben, agora ó mak te’in fali bá. Obrigadu ba ó-nia solidariedade no apoiu tomak.”  
Ho nune’e, nia hakat ba nia kuartu.



Ha'u-nia Apá ema ida-ne'ebé fiar  
an no hakarak hatudu katak nia  
mós bele te'in etu. Nia hanoin  
katak serbisu ida-ne'e fasil tebes!



Iha laron dahuluk, ha'u-nia apá  
la tau bee natoon no halo etu  
sai matak tiha. Ami han uitoan  
de'it no barak liu mak fó-han  
fahi sira.







Iha loron daruak, nia tau bee  
barak liu no etu sai sasoro tiha.  
Ami han di'ak uitoan, maibé  
sente belit loos no la tuir saida  
mak ami hakarak. Nune'e ami  
hamnasa malu.



Iha loron datoluk, nia te'in etu  
sai motuk liután. Ami fó-han  
hotu ba fahi. Sorte ami bele  
han talas, tanba ha'u-nia Amá  
da'an hela hanesan rezerva.



Ne'e duni ha'u-nia Apá  
aprende oinsá bele te'in etu  
no aprende katak ha'u-nia  
Amá nia serbisu la'ós fasil  
tuir saida mak nia hanoin.



Morál: Serbisu hamutuk mak  
xave ba dame iha ita-nia  
moris loroloron nian.